

# Kratkog sam fitilja

**1. Italija ili BiH?**  
- BiH. Teška zemlja, bitovima i nepredvidiva, ali moćna. Kao nemirno dijete koje moras paziti, dok ne stasa i to u onoj „avtiji“ Ive Andrića.

**2. Tjestenina ili čevapi?**  
- Tjestenina, uz puno važavanje roštilja sarajevskog „Želje“, banjalučkog „Muje“, travničkog „Harija“ i maših Tahira i Rize.

**3. Plenković ili Vučić?**  
- Nevažno je kako se zove i odakle do-

laze - dovoljno je da poštuju našu državu.

**4. Je li teže biti načelnik općine ili direktor privatne firme?**  
- Načelnik, neuporedivo! Apsolutno sam kompetentan da to i obrazložim.

**5. Šleper ili službeni automobil?**  
- Šleper! Voziti šleper znači osjećati snagu stotina konja kojima upravljaš, a da pri tome razgledaš svijet oko sebe.

Prošao sam cijelu Evropu i Aziju interkontinental-

nim kamionima, zato to i kažem.

**6. Kako se borite protiv stresa?**  
- To odraduju instinkti! Doduše, u mom slučaju i oni zataje kod onih stresova koji dižu kosu na glavi...

**7. Vaša mana koju ne možete otkloniti?**  
- Kratkog sam fitilja, a jedino kad moram kihnuti, ne reagiram na prvu.

**8. Ko je „šumska mafija“ u Krajini?**  
- Oni koji odlučuju i raspolazu narodnim re-

Zlatko Hujic (63) je načelnik općine Bosanski Petrovac. Kao nezavisni kandidat prošle godine osvojio je drugi mandat. Čovjek je filmske biografije. Beogradski student, diplomirani ekonomista, radio je u „Borbi“, „Čajavecu“, „Elektrokrajini“, „Bosnaplastu“ u bivšoj državi. Nekad je birao poslove, a ponekad su poslovi birali njega. Vozio je šlepere od Lisabona do Moskve, od Palerma do Vladivostoka, ostvario na hiljade poslovnih kontakata. U Italiji je više od 10 godina radio kao direktor u tamošnjim firmama. Otac je petero djece iz dva braka

sursima, a da pri tome „ne zarezuju“ ni dva posto taj isti narod! Bosanski Petrovac gubi milione, a vlast koja je okupirala šume mojim sugrađanima servira čačkalice što ih pravi od petrovačkih balvana.

**9. Šta će biti s odlukom Ustavnog suda BiH o „Unsko-sanskim šumama“, koju vlast Kantona izbjegava provesti?**

- Mi smo legalisti. Presudu koju potpisuje Ustavni sud ćemo ostvariti. Sad je postala moda da se Ustavni sud zaobilazi, ali neće im izaci na dobro.

**10. Općina Bosanski Petrovac u 2017. radi nacрно, nema usvojen budžet ni odluku o privremenom finansiranju...**

- Ako je ovo pitanje, onda ga trebate postaviti novoj vijećničkoj većini. Oni su ti koji nisu htjeli odstupiti od svojih inata, prema meni naročito, a s posljedicama koje već trpe njihovi glasači, narod. I ovdje radi šumski lobi.

**11. Gradani Vas vole, opozicija ne, ko će pobijediti?**  
- Narod bira najbolje. Ne trebaju narodu kukavice i oni koji se povlače pred gubitnicima, a ja taj nisam.

**12. Jeste li temeljiti u poslu?**  
- Smatram da jesam, ali objektivnija je, u svakom slučaju, mjera drugih o tebi, nego ona vlastita.

**13. Da dobijete priliku da hrvatsku predsjednicu Kolindu Grabar-Kitarović pozovete na ples, šta biste zaplesali?**

- Zamislio bih život u ritmu muzike za ples. Ali, za ovu zamisao je važnije dobiti tu priliku nego birati ples.

**14. Kada biste dobili zadatka da osmislite TV seriju u Krajini, koje biste političare obavezno pozvali u taj javni sou?**

- Nikada nijedne minute nisam pratio te farme. Zato mi morate vjerovati da bih, garant, pogriješio u odabiru agrarnih likova za taj sou.

**15. Po jedna rečenica o bivšim premijerima USK Šemsudin Dediću, Hamdiji Lipovači, Izudinu Saračeviću te o aktuelnom Huseinu Rošiću?**

- Najviše sam se družio s meni uvijek dragim Izudinom Saračevićem.

**16. Kome biste zapjevali pjesmu Danijele Martinović „Volim barabu“?**  
- Nema potrebe da ja pjevam kada to Danijela savršeno radi. Siguran sam da je plasira u pravu ciljnu grupu.

**17. S kojim se od načelnika/gradonačelnika u BiH rado družite i zašto?**

- S pobjednicima koji su prošli kao nezavisni načelnici. Njihova znanja, ideje i dobra volja su karike koje nas uvezuju.

**18. Jesu li nezavisni načelnici u BiH sila o kojoj će se tek čuti?**  
- Ne mislim da smo kometa - padalica na bh. zvjezdanom nebu. Ali, znam da hodamo uzdignute glave.

**19. Jeste li načelnik/gradonačelnik s najviše djece?**  
- To ne znam, ali sam odlikaš - ne idem ispod petice!

**20. Futurnja gimnastika...?**  
- Može, pod uvjetom da je noć bila bez gimnastike.

M. DEDIĆ



**HUJIC:**  
Vlast koja je okupirala šume mojim sugrađanima servira čačkalice što ih pravi od petrovačkih balvana